

WARGA EMAS JUTAWAN AL-AWFAR KE-44

KUALA LUMPUR, Khamis, [19 September 2024]: Pesara tentera, Mohd Yusoff Ahmad, 81 tahun dari Pasir Mas, Kelantan, dinobatkan sebagai Jutawan Al-Awfar ke-44 sempena Cabutan Jun 2024 Al-Awfar Bank Islam Malaysia Berhad (Bank Islam).

Beliau telah memenangi Hadiah Cabutan Jutawan Jun 2024 Al-Awfar berupa wang tunai RM1 juta menerusi pelaburan ke dalam akaun Al-Awfar yang beliau buka sejak tahun 2012.

Al-Awfar, yang merupakan produk *signature* Bank Islam, merupakan satu akaun pelaburan inovatif berisiko rendah yang berdasarkan konsep *Mudarabah*. Terbuka kepada segenap individu, entiti perniagaan, persatuan, badan agama, sekolah, universiti, kelab dan pertubuhan, dana Al-Awfar dilaburkan dalam portfolio Pembiayaan Rumah dan Aset Tetap sedia ada Bank Islam bagi memastikan pelaburan yang mampan.

Sejak diperkenalkan pada tahun 2009, Bank Islam telah melahirkan seramai 44 orang Jutawan Al-Awfar dengan lebih 10,000 pelanggan yang memenangi pelbagai hadiah menarik melalui 15 kategori yang disediakan.

“Bila saya diumumkan sebagai Jutawan Al-Awfar ke-44, saya berasa sangat bersyukur dan terkejut kerana saya tidak pernah memenangi sebarang cabutan sebelum ini daripada bank. Saya amat berterima kasih kepada Bank Islam atas peluang yang diberikan.”

“Saya menggalakkan semua, khususnya yang beragama Islam, untuk membuka akaun Al-Awfar kerana terdapat pelbagai ganjaran menarik yang ditawarkan, seperti Cabutan Jutawan yang saya menangi ini serta cabutan-cabutan lain,” ujar Mohd Yusoff ketika ditemui semasa penyerahan hadiah Cabutan Utama Al-Awfar di kediamannya baru-baru ini.

Sementara itu, Hadiah Cabutan Jutawan Mac 2024 Al-Awfar dimenangi kakitangan swasta, Ariffin Mahaiyuddin, 54 tahun. Menerima gelaran Jutawan Al-Awfar ke-43, Ariffin, yang berasal dari Selangor, telah membuka akaun Al-Awfar sejak tahun 2018 untuk tujuan pelaburan.

“Alhamdulillah, saya memang tidak menyangka akan terpilih memandangkan akaun ini telah dibuka sejak tahun 2018 lagi. Saya mungkin akan melabur semula wang kemenangan saya di Bank Islam kerana saya dimaklumkan bahawa terdapat pelbagai kemudahan yang tersedia di

bank ini,” katanya pada Majlis Penyampaian Hadiah Al-Awfar Cabutan Mac dan Jun 2024 yang diadakan di Kuantan, Pahang baru-baru ini.

Selain Ariffin, seramai lima (5) pemenang terpilih turut membawa pulang hadiah lumayan berupa kereta BMW 320i M Sport, Honda HR-V, Honda City Hatchback, Perodua Myvi 1.5 dan wang tunai bernilai RM100,000 pada majlis berkenaan.

Penyampaian hadiah kepada pemenang telah disempurnakan oleh Ketua Pegawai Eksekutif Kumpulan Bank Islam, Dato’ Mohd Muazzam Mohamed. Turut hadir, Ketua Pegawai Perniagaan Kumpulan – Perbankan Runcit Bank Islam, Mizan Masram dan Pengarah Deposit dan Kad Bank Islam, Mohd Noor Jab.

Ketua Pegawai Perniagaan Kumpulan – Perbankan Runcit Bank Islam, Mizan Masram berkata, “Setelah 15 tahun berada di pasaran, Al-Awfar terus menerima sambutan yang amat memberangsangkan daripada pasaran dengan merekodkan saiz dana berjumlah lebih RM5.1 bilion menerusi 1.3 juta akaun. Semua ini tidak mampu dicapai tanpa kepercayaan daripada pelanggan terhadap Bank Islam. Kami amat menghargai sokongan yang diberikan.”

Senarai pemenang Cabutan Al-Awfar Jun 2024 adalah seperti berikut:

No.	Nama	Hadiah	Kategori Cabutan
1.	Ariffin Mahaiyuddin	Wang tunai RM1 juta	Jutawan
2.	Mohd Yusoff Ahmad	Wang tunai RM1 juta	Jutawan
3.	Mohd Saidi Mat Ali	Kereta BMW 320i M Sport	Setengah Tahun
4.	Dato' Asmawi Harun	Kereta Honda HR-V	Setengah Tahun
5.	Che Zakiah Mat Din	Wang tunai RM100 ribu	Kesetiaan 2
6.	Nur Shamimi Mohd Bazli	Kereta Honda City Hatchback	Gradone
7.	Muhammad Munshi Arif Mohamad Nasir	Kereta Perodua Myvi 1.5	Gradone

Sebagai usaha untuk memastikan ketelusan, Bank Islam akan menghebahkan senarai nama pemenang Cabutan Al-Awfar melalui akaun rasmi Facebook dan Instagram Bank Islam.

Maklumat lanjut berkenaan akaun Al-Awfar boleh didapati di laman rasmi www.bankislam.com dan media sosial Bank Islam.

Mengenai Bank Islam Malaysia Berhad (No. Pendaftaran Syarikat [198301002944(98127-X)])

Bank Islam adalah institusi perbankan Islam pertama di Malaysia yang disenaraikan di Papan Utama, Bursa Malaysia Berhad. Ditubuhkan pada bulan Julai 1983, Bank Islam mempunyai 135 cawangan dan lebih 900 terminal layan diri di seluruh negara. Sebagai institusi perbankan Islam lengkap dan tulen, Bank Islam menyediakan penyelesaian perbankan runcit dan kewangan korporat yang mematuhi undang-undang dan prinsip Syariah dengan ketat. Bank Islam komited terhadap kemakmuran lestari dan nilai-nilai ESG dan merupakan peserta rasmi Rangkaian Kompak Global Pertubuhan Bangsa-Bangsa Bersatu Malaysia dan Brunei. Anak-anak syarikat utama Kumpulan Bank Islam, BIMB Investment dan BIMB Securities menawarkan pelbagai perkhidmatan kewangan Islam, termasuk pelaburan dan pembrokeran saham. Untuk maklumat lanjut mengenai produk dan perkhidmatan kumpulan Bank Islam, layari www.bankislam.com.

Sila e-mel ke Hubungan Media Kumpulan Bank Islam di media@bankislam.com.my untuk mendapatkan maklumat tambahan.